

From: Institut Pemikiran Tun Dr. Mahathir -IPDM
Sent: Selasa, 1 Ogos 2017 2:48 ptg
To: UUM - All Staff; UUMstudentgroup
Subject: IPDM RANGKUL EMAS DALAM PERTANDINGAN EUREKA 2017



1 OGOS 2017 / 8 ZULKAEDAH 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)



IPDM ONLINE: Institut Pemikiran Tun Dr. Mahathir Mohamad (IPDM) telah berjaya memenangi Emas bagi Kategori *Electricity & Electronic, I.C.T, Multimedia and Telecommunications* di **International Eureka Innovation Exhibition 2017** yang berlangsung di **Universiti Kuala Lumpur Malaysian Spanish Institute Kulim Hi-Tech Park** baru-baru ini.

Pasukan IPDM yang diterajui oleh Pengarah IPDM, PPjR. Dr Hj Ahmad Zaharuddin Sani Ahmad Sabri, dibantu oleh En. Izad Mohd Faridz Morad dan Cik Nur Syafiqah Huda Mohammad Rashidi telah menghasilkan sistem *Lead to Lead: A Leadership Identification System (L2L)*.

Aplikasi dan sistem yang dibangunkan adalah sebagai satu inovasi yang boleh digunakan oleh organisasi dalam meneliti pengambilan staf baru yang memfokuskan kepada penilaian kepimpinan.

Menurut Dr Hj Ahmad Zaharuddin Sani Ahmad Sabri , kecekapan sistem ini adalah merupakan satu kaedah untuk mengenal pasti personaliti pemimpin dalam organisasi selain memudahkan organisasi untuk membuat pemilihan staf yang tepat.

“Sistem ini dicipta bagi meningkatkan kualiti pengambilan staf, sekaligus setiap individu akan berpuas hati dengan kecekapan dan tahap efisien sistem yang dibina. Setelah ini, pihak IPDM akan mengembangkan lagi potensi sistem ini” katanya.

Pameran Eureka 2017 merupakan satu platform yang mengetengahkan produk-produk inovasi dan reka cipta yang dihasilkan oleh para akademik dan bukan akademik, dan pelajar Malaysia dan Luar Negara bagi kategori Institusi Pengajian Tinggi Awam. Selain itu, pameran ini dapat dijadikan sebagai satu landasan kepada kumpulan penyelidik akademik mahupun bukan akademik dalam mengkomersilkan produk inovasi dan kreativiti.

TAMAT



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.